



後漢書論

吳漢傳論

漢字子顏南陽人
爲人質厚少文



論曰吳漢自建武世常居上公之位終始尙愛之親諒由質簡而彊力也子曰剛毅木訥近仁斯豈漢之方乎昔陳平智有餘以見疑周勃質朴忠而見信夫仁義不足以相懷則智者以有餘爲疑而朴者以不足取信矣

外若駭慙中實狡黠姦乃可慮涉事風發政患其用足窮耳

後漢書論

後漢書論

邳彤傳論

彤字偉君信都人世祖從薊還失軍議者多言可還常安彤對非計世祖善其言

而止

論曰。凡言成事者。以功著易顯。謀幾初者。以理隱難。昭斯固原。情比迹所。宜推察者也。若乃議者欲因二郡之衆。建入關之策。委成一臨。不測而世主未悟。謀夫景同。邳彤之庭。對其爲幾乎。語曰。一言可以興邦。斯近之矣。

高帝榮陽世祖河北得失天下大機只爭一着

後漢書論

後漢書論

中興二十八將論

論曰中興二十八將前世以爲上應二十八宿未之
詳也然咸能感會風雲奮其智勇稱爲佐命亦各志
能之士也議者多非光武不以功臣任職至使英姿
茂績委而勿用然原夫深圖遠算固將有以焉爾若
乃王道旣衰降及霸德猶能授受惟庸勲賢皆序如
管隰之迭升桓世先之同列文朝可謂兼通矣管仲
隰朋

先軫
趙衰
後漢書 論



一

起亦有鬻繒屠狗輕猾之徒或崇以連城之賞或任
以阿衡之地故執疑則隙生力侔則亂起蕭樊且猶
縲維信越終見菹戮不其然乎自茲以降迄于孝武
宰輔五世莫非公侯遂使縉紳道塞賢能蔽塞朝有
世及之私下多抱關之怨其懷道無聞委身草莽者
亦何可勝言故光武鑒前事之違存矯枉之志雖冠
鄧之高勲耿賈之鴻烈分土不過大縣數四所加特
進朝請而已觀其治平臨政課職責咎將所謂導之
以政齊之以刑者乎若格之功臣其傷已甚若以上
法繩正

後漢書論

馬援傳論

論曰、馬援騰聲三輔、遨遊二帝、及定節立謀、以干時
主、將懷負鼎之願、蓋爲千載之遇焉、然其戒人之禍
智矣、而不能自免於讒隙、豈功名之際、理固然乎、夫
利不在身、以之謀事、則智、慮不私己、以之斷義、必厲、
誠能回觀物之智、而爲反身之察、若施之於人、則能
恕、自鑒其情、亦明矣、

誠短長人、迺發杜季良、卽以自禍、目睫之論、賢者

後漢書

論

不免范史之說、人可深思

後漢書論

宣秉張湛王良王丹傳論

論曰。夫利仁者。或借仁以從利。體義者。不期體以合義。李文子妾不衣帛。魯人以爲美談。公孫弘身服布被。汲黯譏其多詐。事實未殊。而譽毀別議。何也將體之與利之異乎。宣秉王良。處位優重。而秉甘疏薄。良妻荷薪。可謂行過乎儉。然當世容其清人。君高其節。豈非臨之以誠哉。語曰。同言而信。則信在言前。同令而行。則誠在令外。不其然乎。張湛不屑矜僞之誚。斯不僞矣。王丹難於交執之道。斯知交矣。

觀於此論作僞何益

後漢書論

馮衍傳論

永謂衍曰高祖賞季布誅丁公今遇明主亦何憂衍曰記存之人挑其隣人之妻長者詈之少者報之後夫死取其長者守道之臣河患死亡

論曰夫貴者負勢而驕人。才士負能而遺行。其大畧然也。二子不其然乎。馮衍之引挑妻之譬。得矣。夫納妻。皆知取詈已者。而取士。則不能。何也。豈非反妒情。易。而。恕。義。情。難。光武雖得之於鮑永。猶失之於馮衍。夫然。義。直。所。以。見。屈。於。既。往。守。節。故。亦。彌。阻。於。來。情。嗚呼。

後漢書論

論

衍與朱邑書不敬過甚是以永雖主帥猶得進用而衍終見黜非徒後至之故

後漢書論

梁統傳論

商以戚屬居大位每存謙柔稱為良輔載租城門賑與貧賤小黃門用事遣子與為交友

論曰順帝之世梁商稱為賢輔豈以其地居充滿而能以愿謹自終者乎夫宰相運動樞極感會天人中於道則易以興政乖於務則難乎御物商協回天之執屬彫弱之期而匡朝卹患未聞上術憔悴之音載諛人口雖輿粟盈門何救阻饑之厄永言終制未解尸官之尤况乃傾側孽臣傳寵凶嗣以至破家傷國而豈徒然哉

後漢書論

如商之善柔非冀之貪亂庶几保宗亦不幸爾

後漢書論

丁鴻傳論

鴻父繼爲侯鴻當襲封讓國於弟盛九江人鮑駿讓之鴻感悟還就國

論曰孔子曰泰伯三以天下讓民無德而稱焉孟子曰聞伯夷之風者貪夫廉懦夫有立志若乃泰伯以天下而違周伯夷率絜情而去國並未始有其讓也故泰伯稱至德伯夷稱賢人後世聞其讓而慕其風徇其名而昧其致所以激詭行生而取與妄矣至夫鄧彪劉愷讓其弟以取義使弟受非服而已厚其名於義不亦薄乎君子立言非苟顯其理將以啓天下之方悟者立行非獨善其身將以訓天下之方動者言行之所開塞可無慎哉原丁鴻之心主於忠愛乎何其終悟而從義也異夫數子類乎徇名者焉其在於今求如彪愷又何可得

後漢書論

後漢書論

班彪傳論

隗囂擁衆天水彪避難從之光武聞彪材召見拜除令病免後數應三公之命

輒去

論曰班彪以通儒上才傾側危亂之間行不踰方言不失正任不急進貞不違人敷文華以緯國典守賤薄而無悶容彼將以世運未弘非所謂賤焉耻乎何其守道恬淡之篤也

後漢書

論

後漢書論

班固傳論

論曰。司馬遷。班固。父子其言。史官載籍之作。大義繁
然。著矣。議者咸稱二子有良史之才。遷文直而事覈。
固文贍而事詳。若固之序事。不激詭。不抑抗。贍而不
穢。詳而有體。使讀之者。疊疊而不厭。信哉。其能臧名
也。彪。固譏。遷以爲是。非頗謬於聖人。然其論議。常排
死節。否正直。而不敘殺身成仁之爲美。固序游俠傳
曰。劇孟郭解
之徒。馳騫於閭閻。雖其陷於刑辟。自
與殺身成名。若季路仇牧。而不悔也。則輕仁義。賊守
後漢書論

節愈矣。固傷遷博物洽聞。不能以智免極刑。然亦身
陷大戮。智及之而不能守之。嗚呼。古人所以致論於
目睫也。

固既不免。曄又甚焉。謂之何哉。

後漢書傳論

鄧彪張禹徐防張敏胡廣傳論

論曰。爵任之於人。重矣。全喪之於生。大矣。懷祿以圖存者。任子之怕情。審能而就列者。出身之常體。夫紆於物。則非已。直於志。則犯俗。辭其艱。則乖義。徇其節。則失身。統之方軌。易因險塗。難御若履平路。易可因循。如踐險塗。則難覆也。免顛故昔人明慎於所受之分。遲遲於岐路之間也。如令志行無牽於物。臨生不先其存。後世何貶焉。古人以宴安爲戒。豈數公之謂乎。

後漢書論

五人大惡未著。然處嘗如此。履變可知。易因難御。徹而深矣。

後漢書論

張皓王龔傳論

皓拜司空在事多所薦達天下稱其推士龔遷汝南太守政崇溫和好才愛士引進郡人黃憲陳蕃等

論曰張皓王龔稱為推士若其好通汲善明發升薦仁人之情也夫士進則世收其器賢用則人獻其能能獻既已厚其功器收亦理兼天下其利甚博而人莫之先豈同折枝於長者以不為為難乎昔柳下惠見抑於臧文淳于長受稱于方進然則立德者以幽陋好遺顯登者以貴塗易引故晨門有抱關之夫柱

後漢書

下無朱文之軫也老子周宣王時為柱下史朱文畫車為文也言貧賤之人多被淪棄

所以晨門之下必有抱關之賢柱下之微永無朱文之敬也

推賢好士苟有其人天下歸心然賤者所歸貴或未好所以難為其人也

後漢書論

蔡邕傳論

董卓為司空聞邕名高辟之到署祭酒補侍御史又轉侍書御史遷尚書

三日之間周歷三臺卓被誅邕在王允坐殊不意言之而漢有動於色允

勃然叱之收付廷尉死獄中

論曰意氣之感士所不能忘也流極之運有生所共
溪悲也當伯喈抱鉗扭徙幽裔仰日月而不見照燭
臨風塵而不得經過其意豈及語平日倖全人哉及
解刑衣竄甌越潛舟江壑不知其遠捷步深林尚苦
不密但願北首舊丘歸骸先壟又可得乎董卓一旦

後漢書論

論

入朝辟書先下分明枉結信宿三遷匡導既申狂僭

屢華資同人之先號得北叟之後福

易同人卦曰先號咷而後笑北

叟塞上叟也其馬亡入胡中
人皆弔之叟曰何知非福

屬其慶者夫豈無懷君

子斷刑尚或為之不舉况國憲倉卒慮不先圖矜情
變容而罰同邪黨執政乃追怨子長謗書流後故此
為戮未或聞之典刑

楊雄蔡邕當是一人一頌王莽一嘆董卓士大夫

於此二人者每多恕辭何哉

後漢書論

陳實傳論

實在鄉閭平心率物其有爭訟輒求
判正譬曉曲直退無怨者至乃嘆曰
寧爲刑罰所加
不爲陳君所短

論曰漢自中世以下闡豎擅恣故俗遂以遁身矯絜
放言爲高士有不談此者則芸夫牧豎已咷呼之矣
故時政彌惛而其風愈往唯陳先生進退之節必可
度也據於德故物不犯安於仁故不離羣行成乎身
而道訓天下故凶邪不能以權奪王公不能以貴驕
所以聲教發於上而風俗清乎下也

後漢書

論

八

一

太丘至德百世所師獨弔張讓將無德厚有裕風
節未優史稱復誅黨人讓感實故多所全宥未知
所全所宥伊何人耳

後漢書論

孔融傳論

論曰昔諫大夫鄭昌有言山有猛獸者藜藿爲之不
採是以孔父正色不容弑虐之謀平仲立朝有紆盜
齊之望若夫文舉之高志直情其足以動義槩而忤
雄心故使移鼎之迹事隔於人存代終之規啓機於
身後也夫嚴氣正性覆折而已豈有員園委屈可以
每其生哉同卽列字
每貪也慄慄焉皜皜焉其與琨玉秋霜
比質可也

漢書

論

操欲害公旣久逡巡不遽下手氣有以懾之也生
命人所共貪子姓誰能無眷忠臣義士割其至痛
天地所以躊躇奸雄繇此忌憚理則然矣有謂東
漢之禍黨人激之者是何其言之不祥也

後漢書論

皇甫嵩朱儁傳論

論曰皇甫嵩朱儁並以上將之略受賑倉卒之時及其功成師尅威聲滿天下值弱主蒙塵曠賊放命斯

誠葉公投袂之幾翟義鞠旅之日

葉公子高率楚衆以誅白公而反惠

王於國投袂奮袂也翟義方進之子舉兵將誅王莽

故梁衍獻規山東連盟而

舍格天之業蹈匹夫之小諒卒狼狽虎口爲智士

笑豈天之長斯亂也何智勇之不終甚乎前史著平

原華嶠稱其父光祿大夫表每言其祖魏太尉歆稱

後漢書論

時人說皇甫嵩之不伐汝豫之戰歸功朱儁張角之

捷本之於盧植收名歛策而已不有焉蓋功名者世

之所甚重也誠能不爭天下之所甚重則怨禍不深

矣如皇甫公之赴履危亂而能終以歸全者其致不

亦貴乎故顏子願不伐善爲先斯亦行身之要與

高儁手握重兵身居上將清塵奉蹕匡復宗社力

所優爲脫淵倒阿坐聽沉沒未可與權夫子所嘆

後漢書論

儒林傳論

論曰。自光武中年以後。干戈稍戢。專事經學。自是其風世篤焉。其服儒衣。稱先王。遊庠序。聚橫塾者。蓋布之於邦域矣。若乃經生所處。不遠萬里之路。精廬暫建。羸糧動有千百。其耆名高義。開門受徒者。綰牒不下萬人。皆專相傳祖。莫或訛雜。至有分爭主庭。樹朋私里。繁其章條。穿求崖穴。以合一家之說。故楊雄曰。今之學者。非獨爲之華藻。又從而繡其聲。說。喻學者文頌碎

後漢書論

夫書理無二。義歸有宗。而碩學之徒。莫之或徙。故通人鄙其固焉。又雄所謂譎譎之學。各習其師也。且觀成名高第。終能遠至者。蓋亦寡焉。而迂滯若是矣。然所談者仁義。所傳者聖法也。故人識君臣父子之綱。家知違邪歸正之路。自桓靈之間。君道秕僻。朝綱日陵。國隙屢啓。自中智以下。靡不審其崩離。而權彊之臣。息其闕盜之謀。豪俊之夫。屈於鄙注之議者。人誦先王言也。下畏逆順執也。至如張溫。皇甫嵩之徒。功定天下之半。聲馳四海之表。俯仰顧盼。則天業可。

移。猶。鞠。躬。昏。主。之。下。狼。狽。折。札。之。命。散。成。兵。就。繩。約。
而。無。悔。心。暨。乎。剝。撓。自。極。人。神。數。盡。然。後。群。英。乘。其。
運。世。德。終。其。祚。跡。跡。衰。敝。之。所。由。致。而。能。多。歷。年。所。者。
斯。豈。非。學。之。效。乎。故。先。師。垂。典。文。褒。勵。學。者。之。功。篤。
矣。切。矣。不。循。春。秋。至。乃。比。於。殺。逆。其。將。有。意。乎。

後漢書論黨人稱其教行於下人曹操身不篡位
推力孔融皇甫嵩張溫散兵應詔尋原儒學激情
扶義自屬久長事不盡然道則正矣

後漢書論

宦者傳論

論曰自古喪大業絕宗禋者其所漸有田矣三代以嬖色取禍嬴氏以奢虐致災西京自外戚失祚東都綠闥尹傾國成敗之來先史商之久矣至於釁起宦夫其畧猶或可言何者刑餘之醜埋謝全生聲容無暉於門閥肌膚莫傳於來體推情來鑒其蔽卽事易以取信加漸染朝事頗識典物故少主憑謹舊之庸女君資出外之命顧訪無猜憚之心恩狎有可悅之

漢書



一

色亦有忠厚平端懷術糾邪

謂呂強也

或敏才給對飾巧

亂實

若良賀對順帝不舉人也

或借譽貞良先時薦譽

曹騰進邊詔延周等

也非直苟恣凶德止於暴橫而已然真邪並行情貌

相越故能回惑昏幼迷瞽視聽蓋亦有其理焉詐利

既滋朋徒日廣直臣杭議必漏先言之間

謂蔡邕對詔王甫曹

節竊觀之乃宣布於外而邕下獄也

至戚發憤方啓專奪之際

謂竇武謀誅宦

者反為宦者所殺也

斯忠賢所以智屈社稷故其為墟易曰履

霜堅冰至云所從來久矣今迹其所以亦豈一朝一

夕哉

人性善惡不大相遠宦者之流有如毒藥此何說
也凡在人情不可有恨感恨之人爲惡必深男女
歡愛有生大欲旣處其枯所遭是敵漢時諸閹多
取良人美女以爲姬妾皆珍飾華侈擬則宮人轉
側無聊亦繇見矣

後漢書論

西域傳論

論曰西域風土之載。前古未聞也。漢世張騫懷致遠之略。班超奮封侯之志。終能立功西域。羈服外域。自兵威之所肅服。財賂之所懷誘。莫不獻方奇。納愛質。露頂用行。東向而朝天子。故設戊巳之官。分任其事。

建都護之帥。總領其權。先馴則賞。贏金而賜。龜綬。

漢舊儀曰銀印皆龜紐。

後服則繫頭額而蒙北闕。立屯田於膏腴

之野。列郵置於要害之路。馳命走驛。不絕於時月。商

後漢書

論

胡販客。日歛於塞下。其後甘英乃抵條支而歷安息。

臨西海以望大秦。拒玉門陽關者四萬餘里。靡不周

盡焉。若其境俗性智之優薄。產載物類之區品。川河

領障之基源。氣節涼暑之通隔。梯山棧谷。繩行沙度

之道。身熱首痛。風災鬼難之域。莫不備寫情形。審求

根實。至於佛道神化。與自身毒。而二漢方志。莫有稱

焉。張騫但著地多暑。涇乘象而戰。班勇雖列其奉浮

圖不殺伐而精文善法。導達之功。靡所傳述。余聞之

後說也。其國則殷乎中土。王燭和氣靈聖之所降集。

賢懿之所挺生。神迹詭怪。則理絕人區。感驗明顯。則事出天外。而騫超無聞者。豈其道閉往運。數開叔葉乎。不然。何誣異之甚也。漢自楚英始。盛齋戒之祀。桓帝又修華蓋之飾。將微義未譯。而但神明之邪詳。其清心釋累之訓。空有兼遣之宗。道書之流也。且好仁惡殺。獨傲崇善。所以賢達君子。多愛其法焉。然好大不經。奇譎無已。雖鄒衍談天之辯。莊周蝸角之論。尚未足以槩其萬一。又精靈起滅。因報相尋。若曉而昧者。故通人多惑焉。蓋導俗無方。適物異會。取諸同歸。措夫疑說。則大道通矣。

後漢書論

二

因報之說。用以懼惡懺悔之門。假之誘善。此聖人之微指也。今人窮淫逞殘。無所不極。半貫施捨。一日供設。便謂作福。遣災是爲閉善。勸惡者矣。

雲間 顧在觀觀生 晉陵陳震生青雷

許清胤介夫輯評 顧之萃宗之叅訂

句章陳 裕廣生 陳 祐天生

武帝 沛國譙人姓曹諱操字孟德祖帝世曹騰為中常侍養子嵩嗣官至太尉莫能審其生出本末

高生太祖少機警有權數任俠放蕩不治行業橋女見而異焉謂曰天下將亂非命世之才不能濟也安之

者其在君乎

軍譙令 建安七年春正月公軍譙

令曰吾起義兵為天下除暴亂舊土人民死喪畧盡

魏書 令

國中終日行不見所識使吾悽愴傷懷其舉義兵已

來將士絕無後者求其親戚以後之授土田官給耕

牛置學師以教之為存者立廟使視其先人菟而有

靈吾百年之後何恨哉

質直之言足使捨心感意

武帝

敗軍失利令

建安八年夏五月

令曰。司馬法將軍死綏。故括之母。乞不坐括。是古之將者。軍破于外。而家受罪于內也。自命將征行。但賞功而不罰罪。非國典也。其令諸將出征。敗軍者。抵罪。失利者。免官爵。

身所摧敗則亦多矣。又可盡抵乎。

魏書

令



武帝

教學令

建安八年秋七月

令曰。喪亂已來。十有五年。後生者不見仁義禮讓之風。吾甚傷之。其令郡國各脩文學。縣滿五百戶。置校官。選其鄉之俊造而教學之。庶幾先王之道不廢。而有以益于天下。

清宕特絕

地書令

武帝

上還三縣令

建安十五年十二月

今日孤始舉孝廉年少。自以本非巖穴知名之士。恐爲海內人之所見。凡愚欲爲一郡守。好作政教。以建立名譽。使世士明知之。故在濟南。始除殘去穢。平心選舉。違迂諸常侍。以爲強豪所忿。恐致家禍。故以病還。去官之後。年紀尚少。顧視同歲中。年有五十。未名爲老。內自圖之。從此却去二十年。待天下清。乃與同歲中始舉者等耳。故以四時歸鄉里。於譙東五十里。

魏書

令

八

一

策精舍。欲秋夏讀書。冬春射獵。求底下之地。欲以泥水自蔽。絕賓客往來之望。然不能得如意。後徵爲都尉。遷典軍校尉。意遂更欲爲國家討賊立功。欲望封侯。作征西將軍。然後題墓道。言漢故征西將軍曹侯之墓。此其志也。而遭值董卓之難。興舉義兵。是時合兵能多得耳。然常自損不欲多之。所以然者。多兵意盛。與強敵爭。倘更爲禍始。故汴水之獸數千。後還到揚州。更募亦復不過三千人。此其本志有限也。後領兖州。破降黃巾三十萬衆。又袁術僭號于九江。下皆

稱臣。名門曰建號門。衣被皆爲天子之制。兩婦預爭。爲皇后志計已定。人有勸術使遂卽帝位。露布天下。答言曹公尚在。未可也。後孤討禽其四將。獲其人衆。遂使術窮亡解沮。發病而死。及至袁紹據河北兵勢強盛。孤自度勢實不敵之。但計投死爲國。以義滅身。足垂于後。幸而破紹。梟其二子。又劉表自以爲宗室。包藏奸心。乍前乍却。以觀世事。據有當州。孤復定之。遂平天下。身爲宰相。人臣之貴已極。意望已過矣。今孤言此。若爲自大。欲人言盡。故無諱耳。設使國家無

魏書

二

有孤不知當幾人稱帝。幾人稱王。或者人見孤強盛。又性不信天命之事。恐私心相評。言有不遜之志。妄相忖度。每用耿耿。齊桓晉文。所以垂稱至今日者。以其兵勢廣大。猶能奉事周室也。論語云。三分天下有其二。以服事殷。周之德可謂至德矣。夫能以大事小也。昔樂毅走趙。趙王欲與之圖燕。樂毅伏而垂泣。對曰。臣事昭王。猶事大王。臣若獲戾。放在他國。沒世然後已。不忍謀趙之徒隸。况燕後嗣乎。胡亥之殺蒙恬也。恬曰。自吾先人及至子孫。積信於秦三世矣。今臣

將兵三十餘萬。其勢足以背叛。然自知必死而守義者。不敢辱先人之教。以忘先王也。孤每讀此二人書。未嘗不愴然流涕也。孤祖父以至孤身。皆當親重之任。可謂見信者矣。以及子植兄弟。過于三世矣。孤非徒對諸君說此也。常以語妻妾。皆令深知此意。孤謂之言。顧我萬年之後。汝曹皆當出嫁。欲令傳道我心。使他人皆知之。孤此言。皆肝膈之要也。所以勤勤懇懇。敘心腹者。見周公。有金縢之書。以自明。恐人不信之故。然欲孤便爾委捐所典兵衆。以還執事。歸就武

平侯國。實不可也。何者。誠恐已離兵。爲人所禍也。旣爲子孫計。又已敗。則國家傾危。是以不得慕虛名。而處實禍。此所不得爲也。前朝恩封三子爲侯。固辭不受。今更欲受之。非欲復以爲榮。欲以爲外援。爲萬安計。孤聞介推之避晉封。申胥之逃楚賞。未嘗不舍書而歎。有以自省也。奉國威靈。仗鉞征伐。推弱以克強。處小而禽大。意之所圖。動無違事。心之所慮。何向不濟。遂蕩平天下。不辱主命。可謂天助漢室。非人力也。然封兼四縣。食戶三萬。何德堪之。江湖未靜。不可讓

位。至于邑土。可得而弊。今上還陽夏柘苦三縣戶二萬。但食武平萬戶。且以分損詢議。少減孤之責也。

匿表而談胡顏斯厚。此令壽志不載。松之補註。

魏書令

四

武帝

舉士令

建安十九年冬十二月

令曰夫有行之士未必能進取進取之士未必能有
行也陳平豈篤行蘇秦豈守信邪而陳平定漢業蘇
秦濟弱燕繇此言之士有偏短庸可廢乎有司明思
此義則士無遺滯官無廢業矣

求黨索隨誠操所急

魏書

令

一

文帝諱丕字子桓武帝太子嗣位爲丞相魏王延康元年漢帝禪位王乃卽阼改延康爲黃初奉漢
帝爲山陽公

答司馬懿令

令曰世之所不足者道義也。所有餘者苟妄也。常人
之性賤所不足貴。所有餘故曰不患無位。患所以立。
孤雖寡德。庶自免于常人之貴。夫石可破而不可奪。
堅丹可磨而不可奪赤。丹石微物尚保斯質。况吾托
士人之末列。曾受教于君子哉。且於陵仲子以仁爲
富。柏城子高以義爲貴。鮑焦感子貢之言。棄其蔬而

魏書令

槁死。薪者譏季札失辭。皆委重而弗視。吾獨何人。昔
周武大聖也。使叔旦盟膠鬲于四內。使召公約微子
於共頭。故伯夷叔齊相與笑之曰。昔神農氏之有天
下。不以人之壞自成。不以人之高自高。以爲周之伐
殷以恭也。吾德非周武。而義慙夷齊。庶欲遠苟妄之
失道。立丹石之不奪。邁於陵之所富。蹈柏城之所貴。
執鮑焦之貞。至遵薪者之清節。故曰三軍可帥匹夫。
不可奪志。吾之斯志。豈可奪哉。

踐阼之日。其苟妄全載去矣。

文帝

祀孔子詔

黃初二年

詔曰昔仲尼資大聖之才懷帝王之器當衰周之末無受命之運在魯衛之朝教化乎洙泗之上悽悽焉遑遑焉欲屈已以存道貶身以救世于時王公終莫能用之乃退考五代之禮脩素王之事因魯史而制春秋就太師而正雅頌俾千載之後莫不宗其文以述作仰其聖以成謀咨可謂命世之大聖億載之師表者也遭天下大亂不祀墮壞舊居之廟毀而不脩

魏書

詔

衰成之後絕而莫繼闕里不聞講頌之聲四時不覩蒸嘗之位斯豈所謂崇禮報功盛德百世必祀者哉其以議郎孔羨爲宗聖侯邑百戶奉孔子祀令魯郡脩起舊廟置百戶吏卒以守衛之又於其外廣爲室屋以居學者

此其志不小

文帝

婦人與政詔

黃初三年九月

詔曰。夫婦人與政。亂之本也。自今以後。羣臣不得奏
事。太后后族之家。不得當政輔之任。又不得橫受茅
土之爵。以此詔傳後世。若有背違。天下共誅之。

有呂氏有邑姜。有王莽有申侯。是亦過正之矯也。

魏書

詔

文帝

婚葬律令詔

承明二年五月

詔曰。婚。娉。過。禮。則。嫁。娶。有。失。時。之。弊。厚。葬。送。終。則。生。者。有。糜。費。之。苦。聖。王。知。其。如。此。故。申。之。以。禮。數。約。之。以。法。禁。廼。者。民。漸。奢。尚。婚。葬。越。軌。致。貧。富。相。高。貴。賤。無。別。又。皇。族。貴。戚。及。士。民。之。家。不。惟。氏。族。高。下。與。非。類。婚。偶。先。帝。親。發。明。詔。爲。之。科。禁。而。百。姓。習。常。仍。不。蕭。改。朕。今。憲。章。舊。典。祇。案。先。制。著。之。律。令。永。爲。定。準。犯。者。以。違。制。論。

魏書詔

八

文帝

報王朗朗上疏言皇子

帝報曰夫忠至者辭篤愛重者言深君旣勞思慮又
手筆將順三復德音欣然無量朕繼嗣未立以爲君
憂欽納至言思聞良規

魏書詔

